

Inatsisartut suleriaasianni § 37 imm. 1 naapertorlugu, Naalakkersuisunut apeqqutit matumuuna allakkatigut saqqummiunneqarput.

## Naalakkersuisunut apeqqutit:

1. Atlantikooq imarpik, Atlantikooq qulaallugu timmisartuussinernik taaneqartartut, Kangerlussuarmut timmisartuussisarnissaq Naalakkersuisut isumartik allanngorlugu ingerlatiinnalerpaat?
2. Naalakkersuisut malillugit, Danmark-ip Kalaallit Nunaatalu mittarfiisa akunnerminni timmisartuussineri "nunap iluani" ["regional"] timmisartuussinertut isumaqartinneqarpa?
3. Air Greenland A/S-ip Albatros Arctic Circle ApS-illu Atlantikooq qulaallugu timmisartuussinerit aqqutiginiakkatik tusagassiutitigut<sup>1</sup> oqariartuutigisaat ukiumut akitsuutitigut qanoq naleqarpat? Timmisartuussineri ataatsimi, ukiumullu tamarmut naatsorsorlugu missingersorneqarnera akeqquneqarpoq.
4. Maannakkumiit, aamma ukioq 2025-miit siumut, Kangerlussuup mittarfiani suut akitsuutit atuutsinneqassappat, Nuummilu nutaamik mittarfittaassap Kangerlussuup mittarfianut sanilliukkaanni assigiinngissuteqassappat? Assigiinngissuteqarpata, imaluunniit apeqqut sulii akissutissarsineqarsimanngippat, tunngavilersuutaanik nassuiaassisoqaqquneqarpoq.
5. Kangerlussuarmut Atlantikooq imarpik qulaallugu timmisartuussinissamut kiffartuussinissamik ukioq 2025-miit siunissamullu isumaqatigiissuteqartoqanngimmat, taava qanoq ililluni ingerlatseqatigiiffiit inuiaqatigiit pigisaat allallu timmisartuussisarnissaminnut pilersaarusiulereersinnaappat? Naalakkersuisut ingerlatseqatigiiffillu pineqartut iluanni isumaqatigiissuteqarsimappat imaluunniit allat peqatigalugit, tamakkulu sulii avammut tusarliunneqanngimmata piumasarineqarpoq eqqartueqatigiissimanerit saqqummiunneqarnissaat nassuiarlugillu.
6. Susassaqartut kikkut Kangerlussuup ingerlanneqarnissaanut, tassanngalu mittarfiup ingerlanneqarneranut, maannakkumiit, aamma ukioq 2025-miit siunissamut akisussaasuulertussaappat? Ingerlatsinissaq susassaqartut assigiinngitsunut agguarneqarsimappat, susassaqartut kikkut pineqarnersut ataasiakkaarlugit akissutigineqarnissaat piumasarineqarpoq.

---

<sup>1</sup> <https://kl.sermitsiaq.ag/inuussutissarsiutit/timmisartumik-aqqut-nutaaq-kangerlussuarmut-nutaarsiasatsialaavoq/2114256>



7. Takornariaqarnermi inatsissariniagaq, ingerlatseqatigiiffinnullu allattorsimaffik Aningaasaqarnermut Naalakkersuisoqarfiup ataaniinnera tunngavigalugit, paaserusuppakka Albatros Arctic Circle ApS pillugu uku tullerit, ingerlatseqatigiiffiullu piginnittuunermut inissisimamera ilanngullugu:
- Ingerlatseqatigiiffik tamakkiisumik *kalaaliua*?
  - Ingerlatseqatigiiffik *kalaallinit* pigineqarpa? Naalakkersuisut akissutaanni "*kalaallit*" qanoq isumaqarfigineqarneranik nassuiaassisoqarnissaa piumasarineqarpoq.

(Inatsisartunut ilaasortaq Pele Broberg, Naleraq)

### **Tunngavilersuut:**

Naalakkersuisut Illersornissaqarfillu junimi ukiuni pingasuni atuuttussamik isumaqatigiissuteqarput, tassani atlantiku qulaallugu timmisartuussinerup Kangerlussuarmiit Nuummumt nuunneqarnissaanik pissuteqartumik. 2018-imi politikkikkut aalajangiunneqarpoq Kangerlussuaq atlantiku qulaallugu timmisartuussisarunnaassasoq, tunngaviatigullu tamanna aamma Qallunaat Nunaat isumaqatigiissuteqarfigalugu malitseqartinneqarnera takuneqarsinnaalluni.

Naalakkersuisut Inatsisartunut ilanngullugu erseqqissarpaat politikkikkut kissaatigineqartut malillugit aamma Nuup/Ilulissallu<sup>2</sup> akornannut imarpik qulaallugu timmisartuussinerit nuunneqarnissaat sulissutigalugu.

Tamanna erseqqissumik paasiumallugu apeqquteqarsimavunga qanoq pisortat ingerlatseqatigiiffiutaat imaluunniit namminersortut ingerlatseqatigiiffiutaat namminneerlutik isumaqatigiissusiorsinnaanersut, soorlu atlantiku qulaallugu Kangerlussuarmut timmissartuussineri. Naalakkersuisunit tamanna aprilimi ilumuunnginnerarneqarpoq. Maannakkut Air Greenland aamma Albatros Arctic Circle Kangerlussuarmut katillugit atlantiku qulaallugu timmisartuussisarnissanik 56-nik isumaqatigiissuteqarlutik nalunaaruteqarput. Naalakkersuisut nalunaarut tamanna oqaaseqarfigiinngilaat.

Isumaqarpunga Kangerlussuup siunissaa nunaqarfittut imaluunniit mittarfittut pillugit Naalakkersuisunik isummaminnik sangujoraartitsisunik innuttaasut iluaqutigisinnaangikkaat, taamaattumillu apeqqut apeqqutigineqarpoq.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasoq aallaavigineqassaaq.

---

<sup>2</sup> [https://ina.gl/media/4pxowkyw/053\\_2024\\_kair\\_pb\\_svar.pdf](https://ina.gl/media/4pxowkyw/053_2024_kair_pb_svar.pdf)